

錢

龕

詩

餘

鐵龕詩存卷三

五十自述

吾年三十六始與塵網撓四稔巡遼郡一官鐵嶺城
滄桑忽易勢卓犖負虛名洊筦東南道兼轄鎮守營
世衰綱紀墜官濫節義輕興言擊笏憤掉首挂冠行
負疴臥故里束帛採虛聲重下馮婦車還愧王陽情
紆徐策劣駟崎嶇掣長鯨豈不憚艱險深懷國士盟
白駒忽云逝黑首霜易盈省身過未寡知命年已迎
椿庭聳高蔭梓樹垂繁榮天庥良已足世事復何爭

倦遊屢思返維繫迭相賡人壽雖無幾且俟黃河清

財政廳院老榆歌

老榆當院頭已禿低頭俯瞰長官屋長官更迭閱歷
多紛紛賢否都在目春風蕩澹老榆歡秋風淒咽老
榆哭歡哭春秋幾百年膠膠擾擾及不穀不穀風塵
草草人摩挲不覺眉頻顫樹猶如此人何堪老榆視
我今爲孰榆自無言心半空卿輩數百容此腹過去
幾經榮與枯未來不識誰司牧來去匆匆過眼忙何
人皜皜秋陽暴低徊徐發老榆歌聊托友聲吟伐木

答友人

唐以詩取士不厭格律嚴亦如試制藝雕鑿趨巧纖
詩以陶性靈豈如兵符鈐天以自然健性以自然恬
人生有浩氣天地不能淹奈何吟咏苦轉如科律箝
烏難浴以白鵠難染以黔好醜各有適勿爲飭餒搏

詠史

古今治亂事相同得失分明在眼中政令已歸藍面
鬼屠沽皆作黑頭公桓溫甘遺千年臭孟德空爲一
世雄朝露未晞猶擾攘紛紛爭欲冒天功

中流無砥障狂瀾世事都從冷眼觀已見摸金添校尉更聞搜粟有都官羊頭羊胃羣謠起狐搢狐埋衆語譚談到曹瞞爭笑罵如何人轉效曹瞞

十月桃花臘月雷休徵未見咎徵來冬行春令天無狀石與人言鬼有才運至羌氏盡龍虎劫終闖獻等驚駘從知治亂由人事莫向蒼蒼搔首哀

庚申歲暮寄懷兆備

公退裁書寄兆備邇來吟興漸疏慵我詩意造本無法此世才多不若庸河北審逢空社鼠遼東邴管自

人龍近因多病懷幽靜何日蓴鱸願始從

依韵和傅立魚生女

人居渤海金山外氣薄長虹寶月間嘯傲江湖懸健
筆蒼茫身世隱嚴關秦簫佳話三生証鄴瓦新詩一
例頒縱未緇郎傳異事慰情徵士且怡顏

本非好辯承三聖不敢隨聲薄五倫未脫情緣人說
夢偶留色相佛談因銀魚白傅憐嬌女玉勝王家有
賀賓應識屬毛離裏義吟成弄瓦等純淪

十年夏歷辛酉元旦

歲值金鷄十易霜夏正首祚布初陽九街燈火星無

數萬戶桃符日有光井卜犧爻推國運

按邵子皇極經世民國十年卦

值水風井

泰交麟筆紀春王今朝猶是承平象爆竹聲中

夜漏長

觀碁

爛柯山下看殘棋局亂無分黑白時老蚌相持同敗
鵲羣雄競逐孰甘雌胸中經緯堅如壘垓外河山亂
若絲底事盤盤成大錯可憐著手太離奇

望江

松花江接黑龍江
劃破中流砥柱雙流濁
流清渾不辨浪花亂
濺打魚樁

一夜風雲變態奇
排山白浪起蛟螭
斷檣折楫浮江下
往事回頭不忍思

清明後一日

萬里城東氣候偏
仲春時節似秋前
清明已過猶飛雪
寒食由來不禁烟
龍塞風高沙碾地
鴨江冰泮水浮天
綠楊紅杏探消息
花事遲遲似去年

三月七日作

三月風光尚楊裘邊城春色望悠悠黃塵簌簌從天

降

是日降黃塵如雨

白雪潺潺化水流洛上杜鵑空感慨

近年北地漸暖

皆謂天道北行每作洛橋杜鵑之感

太常仙蝶更遲留

去年正月二十七日家父壽辰有蝶當堦緩飛

高蔚然觀察謂太常仙蝶竟在遼東今已三月猶無蜂蝶

從今願借東皇力萬紫千紅

一覽收

感賦

世亂公道湮閱深功名冷進固非伊周退亦無箕穎
緬彼曼倩翁龍蛇隨化境詭時故不逢朝市隱形影
屈伸變化間迷夢醒宜猛侈口談勳勞療飢同畫餅

何以安美寢委吏滋味永

驄馬行

吉林孫督軍黑龍江吳督軍各贈連錢驄馬一匹即俗稱菊花青也

孫侯吳侯今健者生平同好好良馬千里能逢伯樂
知萬金遠市大宛野知我結習似支公但愛神駿氣
如虹不惜絡頭空冀北雙雙贈我連錢驄青驄立仗
屹相向驤首嘶風轉惆悵銀蹄踏鐵蹴春泥丹青未
畫瑤光上我本書生計已非十年磨劍說戎機至今
四海干戈際謝艾邊才百慮違對此名駒重太息伏
櫪不鳴三品食愧煞當年傅休期下作露布上殺賊

袁潔珊以入京四詩見寄依韵和之

杏花春雨又相逢
華髮將顛兩鬢蓬
欲買青山何處
住江湖滿地夕陽中

二

柔桑何處詠侯旬
莫羨桃源避世人
除却武林溪上
路落花流水一般春

三

天地蘧廬到處家
漆園無奈著南華
濠梁悟得鱖魚
樂流水無心送落花

四

蒼茫四海動征塵處處機槍自作闌跳出滄桑安步
去雲山千里草鞵新

沈石田畫京江送遠圖

此圖絹底卷首題詩處稍殘

明代丹青誰居首南中老輩石田叟一軸京江送遠

圖長歌記自梅村手

圖爲吳梅村五世祖遜菴之官叙州時沈
祝諸人所贈梅村詩集有京江送遠圖歌

崑崙蹙道啓蠶叢峰外三峰碧插空繫纜錦江官柳
外嚴裝祖帳驛亭中諸葛城荒石棧麓李水路轉顛
崖腹七尺霜縑萬里形毫端腕底雲烟簇變亂曾經

典市歸

按梅村詩序此圖曾入典市經梅村手贖歸

舊家故物是耶非蜀山面

目眞如舊石棧摩天壓翠微昔日悲歌動故主名流
韵事從頭數今我作歌歌此圖嘔啞愧失邯鄲步

問天歌

共工觸首摧不周女媧補天煉石頭現身不是參天
地安能手扶雲漢撼山邱橫空一劈巨靈掌五指落
地五嶽長旋踵蹴折扶桑枝昂首青天如戴盎至於
防風專車同削瘢夸夫逐日等蹒跚鴻荒至今幾甲
子不知何年始縮黃土搏愈縮愈多人滿患輒經天

概付塗炭兩間萬物皆芻狗滄海桑田迭相變巢木
鷦鷯只一枝飲河鰕鼠但療飢奈何蠻觸爭蝸角天
地尙寬總不知大氣輪迴丁厄數艱難末劫嗟天步
再化蟲沙與猿鶴小千世界等破瓠眼看五嶽欲成
塵洪水難燒蘆管堙天柱地維一時裂亂揉黃土更
搏人

新晴

風定烟斜白雲晴天蔚藍搖春楊柳嫋帶雨杏花酣
羅漢屏三面南華經一函空階人語寂一鳥過樓南

晚晴

既雨晴亦好風光入畫中含烟千樹綠返照半天紅
督僕移花急看兒蹴鞠工中年陶寫意寧與謝公同
偶成

滿面秋霜滿腹春手提日月走風塵非仙非佛非賢
聖胡帝胡天胡鬼神萬物髑髏空咄咄百年芻狗已
陳陳急流津上回頭看一點漩渦最溺人

晚堦

空階籐几竹方床龍井新茶細細嘗燕子呢喃渾不

解春泥銜落紫丁香

自釋

軀殼如寄廬我本暫居客當我初來時堂闢光潔白
惟苦百慮牽常如饑寒迫黽勉至中年事事差勝昔
如飢得粱肉如寒得布帛但經歲時多棟宇又漸圻
牖戶迨綢繆人生誰滿百役役不自量神歇精亦斃
六根有壞時一生如旦夕早悟菩提心稍緩傾頽厄
一朝別寄廬浩然從所適

聽經

庚申九月十六月既食

年年誦佛經不解佛經意合掌阿彌陀開口波羅密
一生不見佛酒肉和尚事一十六觀門旨歸無二致
數千萬經言究竟無一字既非符咒訣又非大幻戲
性與天道間登峰造極地妙悟不在多一指真諦備

庚申九月十六月食既

大鈞運晝夜二曜流光輝發桴槪萬物隱約露天機
地掩太陰晦吾疑此說非象緯五行志治亂見禎祲
酒向長星勸斗防熒惑飛殺機應芻狗萬物莫能違
見徵有休咎誰云天道微